

## BERRI OROKORRAK

2019ko urtarrilaren 18an 16. zenbakia



### Euskaraz Bizi!!!!

#### Hizkuntza-ohiturak aldatu nahi al dituzue?

Soziolinguistikako klusterrak hizkuntza-ohiturak aldatu zituzten bikotekideekin eginiko ikerketaren azken zatiarekin goaz. Aldaketa eman zuten bikotekideei baliagarriak suertatu zitzaizkien gakoak aipatuko dizkizuegu.

1-Zergatik aldatu edo zerk mugitu zituzten/ Motibazioak.

2-Zailtasunak.

3-Estrategiak.

#### 4-Gakoak

##### 4.4.- Erabilera erabiltzetik etorriko da

Oinarrizko gaitasun batetik aurrera, bikotean hitz egiten hasita hobetzen da.

##### 4.5.- Arraro eta zail, baina egiten hasitakoan... uste baino errazago

Nahiz euskaraz jakin, erdarazko harremana finkatu duten bikoteetan, hasieran, aldaketa oso zaila eta, gogorra iruditu arren, praktikan, uste baino errazagoa egiten da.

##### 4.6.- Prozesuaren zaintza

Erdara beti eskura, toki guztietan dagoenez, bikote horiek elkarriketarako estrategiak garatu dituzte; bai euskaraz mantentzeko bai euskarara itzultzeko.

### 1.-2019/20 ikasturterako matrikula-kanpaina.

Jakinarazten da urtarrilaren 28tik otsailaren 8ra (biak barne) izango dela **2019-2020 ikasturterako 3 eta 16 urte bitarteko ikasle berriak aurre-matrikulatzeko epea.**

**Ate irekien eguna urtarrilaren 26an** izango dugu 10:30ean eraikin berrian (Alperroburu, 5 kalean). Bertan, ikastolako funtzionamendua azalduko da eta ikastolan zehar ibiliko gara eraikuntza ikusiz. Animatu zaitetz!

**Udarregi ikastolak** zera eskaintzen dizue:

- ✓ **0 urtetik 16 urtera** bitarteko irakaskuntza arautua.
- ✓ **Heziketa euskalduna:** euskaraz ikasiz eta biziz, Euskal Herriko Kultura eta herri-ekintzetan murgilduz.
- ✓ **Balore eta jarrerren** lanketa, heziketaren ardatz gisa.
- ✓ **KiVa Ikastola:** Eskola Jazarpenaren (bullying) aurkako programa finlandiarra indarrean 2017ko urtarriletik aurrera beste 57 ikastolekin batera.
- ✓ **Irakaskuntza Eleanitza:** D eredu, ingelesa 4 urtetik aurrera, gaztelania Lehen Hezkuntzaren 2. mailatik aurrera, eta frantsesa Derrigorrezko Bigarren Hezkuntzan.
- ✓ **Hizkuntzetarako irakasle** espezialistak.
- ✓ **Orientazio Departamendua:** tutoretza eta banakako orientazioa. Orientazioa gurasoentzat.
- ✓ **Heziketa behar bereziak** dituztenentzat Laguntza-Gela.
- ✓ **Informazio eta Komunikazio-Teknologiak:** Informatika, Internet eta Ikus-entzunezkoak.
- ✓ **Garraio** zerbitzua.
- ✓ **Jangela:** Bertan prestatutako garaian garaiko janaria, herriko elikagaiak eta elikagai ekologikoak. Dieta orekatuak eta osatuak.
- ✓ **Eskolaz kanpoko jarduerak:** kirolak, dantza, xake, antzerkia.
- ✓ **Ikasleen goizeko zaintza:** 08:00etatik 09:00etara. Irailean eta ekainean **arratsaldeko zaintza** ere bai, 14:30etik 16:30era.

Eta aurreko guztiaren euskarri gisa:

- **50 urteko esperientzia** Usurbilen.

- **Irakasleria** egonkorra eta berrikuntza pedagogikoez arduratua.
- **Gestio demokratikoa:** guraso eta langileen partaidetza zuzena arlo guztietan.
- **Erakunde** irekia, anitza eta iritzi guztietara zabalik. **Herri Onurako Kooperatiba. Guraso Kooperatiba.**
- **Kalitatezko Hezkuntza** lortzen lagunduko digun Kalitate Aurreratuaren Kudeaketa Sistemarekin konprometituta.

Informazio gehiago izan dezazuen, honakoa kontuan har ezazue:

Ate irekien eguna
○ Urtarrilaren 26an, 10:30ean HH-ko eraikinean
Matrikulatzeko epea
○ Urtarrilaren 28tik otsailaren 8ra (biak barne)
Matrikulatzeko ordutegia
○ Aldez aurretik <u>Ikastolara</u> deituz, ordua adosteko (943-361216) <b>(3 urtetik-16urtera)</b>
Matrikula gauzatzeko ekarri beharreko agirien fotokopiak
<ul style="list-style-type: none"> <li>○ Udaleko bizikidetzaz-ziurtagiria</li> <li>○ Familia-liburua</li> <li>○ Gurasoen NAN</li> <li>○ Gizarte Segurantzako txartela</li> <li>○ Kontu korrante baten zenbakia (IBAN eta BIC kodeak)</li> <li>○ Haurraren argazki bat</li> </ul>

## 2.-Galdeketa.

Ikastolak, hobekuntza pedagogiko iraunkorra ezartzen ari da.

Ikastolak ezarritako ikasleen irteera profila ziurtatzeko, garatzeko eta aurrera eramateko ikasgelan behar diren hobekuntza pedagogikoak aztertu, diseinatu eta ezartzeko eta hobekuntza horiek denboran irauteko prozesua abiatu du, Ikastolen Elkartearen aholkularitzarekin.

Prozesu horretan familien iritzia jaso nahi da, ondorengo galderari erantzuteko eskatuz. Minutu gutxi batzuk besterik ez dira izango!

**NOLAKO GAZTEAK NAHI DITUGU UDARREGIN IKASKETAK AMAITZERAKOAN?**

Aurreko galderari erantzuna emateko ikastolako e-mail bat jaso duzue esteka batekin. Estekan klik egin eta erantzun galderari mesedez.

E-mailik ez duenak idazkaritzara ekar dezake erantzuna.

## 3.-Eski-irteeraren inguruko bilera.

**Datorren asteazkenean, urtarrilak 23**, arratsaldeko **16:45ean Udarregi eraikinean** (DBH), urtarrilaren 26an Arettera eskiatzera joango diren ikasleen gurasoei zuzendutako bilera informatiboa egingo da.

## 4.-Elikadura eta psikologiaren inguruko tailerra.

Hitz-aho guraso-elkarteak elikadura eta psikologiaren inguruko bi tailer antolatu ditu.

- **HH2 eta LH4** bitarteko seme-alabak dituzten gurasoei zuzenduta:

Otsailak 7: gosari eta askari osasuntsuak. Ikastolako sukaldea erabiliko da.

Otsailak 14: gozo osasuntsuak. Ikastolako sukaldea erabiliko da.

Otsailak 21: elikadura neofobia eta elikadura emozionala. Psikologia hitzaldia.

- **LH5 eta DBH4** bitarteko seme-alabak dituzten gurasoei zuzenduta:

Otsailak 28: afari erakargarriak. Ikastolako sukaldea erabiliko da.

Martxoak 7: gozo-osasungarriak. Ikastolako sukaldea erabiliko da.

Martxoak 14: elikadura nahasteen prebentzioa eta *mindfulness eating*. Psikologia hitzaldia.

**Ordua:** 17:00etatik 19:00etara.

**Non:** Lehenengo bi saioak ikastolako sukaldean. Hitzaldia Udarregi eraikinean.

**Izen-ematea eta ordainketa:** urtarrilaren 31 bitarte [hitzaho@udarregi.eus](mailto:hitzaho@udarregi.eus) helbidean (azaroko hitzaldietan izena eman zutenek, ordainketa besterik ez dute egin behar, izen-abizenak adieraziz)

Ordaindu beharrekoa: 20 €. Euskadiko kutxa ES72 3035 0140331400024098.

Plazak mugatuak dira.


## OHARRAK ETAPAKA



Ez dago berririk.



Ez dago berririk.



### **1.- Atletismoko ikasleak zaldi lasterketan parte hartzeko aukera.**

LH3 eta 4. Mailako atletismoko ikasleak Urtarrilaren 26an, larunbata, Lasarteko hipodromoan zaldi lasterketan parte hartzeko aukera izango dute. Parte hartzeko interesa duenak, astearteko atletismoko entrenamenduan mesedez monitoreari jakinarazi.



Ez dago berririk.